

四
診
挾
微

卷
三
の

四診抉微卷之三

烏程林之翰憲百父

別字慎菴

纂述

附兒科望診

病機

十歲以前忽然而上如青紗蓋定後髮際至印堂不論病之深淺有者六十日必死若至鼻柱一月須亡更到人中不過十日其色盈面即日災傷

額上青色素問云心熱者顏先赤心氣合火火有炎上指象明候故候于顏

毛髮黃色素問云寒客于人使人毫毛畢直皮膚

閉而爲熱。當是之時。可汗而解。

左臉赤色。身熱脉弦。素問云。肝熱病者。左臉先赤。

肝氣合木。木應春。南面正理之則。其左臉也。

右臉青色。嘔逆多痰。素問云。金之氣應秋。南面

正理之則。右臉也。

兩臉赤色。乍乘風熱。肌肉憔悴。必因內蒸。

養生方云。氣虛則發厥。謂手足冷也。血虛則發熱。

謂肌肉熱也。

兩臉青色。多啼作嘔。臟腑不和矣。

非時弄色。胎風客忤。內癰作癰。

鼻燥黃色。積熱溺澀。或衄血氣粗。

鼻燥白色。吐瀉傷脾。感冷肺逆。

鼻中癢甚。肺氣盛。而五疳傳驚。

鼻下赤爛。肝氣盛。而肺痺見證。

鼻如烟筒。火爍金。而驚中危證。

目鮮青色。扁鵲云。睛青主癰塊。錢仲陽云。目鮮將

發搐。

談心按曰。將發。兄瘡。痰亦然。

目睛黃色。積熱骨蒸。或痢瀉癰氣。此卽食癥。亦云。

食疸。俗稱鵝白。非也。

眼深黑色。吐瀉內弔。驚搐慢脾。

眶腫睛黃。積熱久嗽。或傷脾作嘔。或夜熱瘡痍。

赤貫瞳人。驚癇不治。

印堂青色。胎驚胎熱。腹痛夜啼。

眉攢不舒。腹痛下痢。或熱擁三焦。病機將作亦然。

眉目雜色。白乃霍亂絞痛。黃乃積熱虛浮。赤因感

風頭楚。青正驚搐相乘。黑者危在旦夕。

唇中白色。嘔逆作瀉。口渴腸鳴。將成內吊。

唇中黃色。傷胃脾熱。作脹下痢。溲短肌浮。

唇中紅色。內熱有驚。或見瘡疹。

唇中青色。風寒相感。發驚傷脾。

唇焦赤色。口穢傷脾。大便閉塞。氣粗熱盛。

唇繭淡白。傷食復傷。熱擁脾家。腸鳴腹鼓。

唇間紫色。蛔刺攻冲。痛逆霍亂。

舌上雜色。黃者傷脾。白苔焦渴。紫厚如荔枝殼者。

熱聚三焦。如青苔如白。染者皆不治。若破裂有血。

邪熱攻心。小便閉結。治法用黑魚切片貼舌上。或

百草霜和鹽研成膏貼亦可。

耳前赤色。瘁虫攻腎。必耳鳴或聾。

耳前黃色。驚入腎。或睡中戛齒。

頤下諸色。同耳前看。素問云。腎熱病者。頤先赤。

筋露青色、現諸頭面驚啼煩躁身體者發熱驚搐
肚腹者五疳脹滿

魚目定睛、筋絕不轉水不生木肝腎俱敗死在夜
面青唇黑、水絕于腎木來尅土脾肝俱絕亡在晝
胃熱黃色、遍體金黃口穢目碧骨蒸疽病將至或
得久病後者誠書

入門審候歌

觀形察色辨因由陰弱陽強髮硬柔若是傷寒雙足
冷要知有熱肚皮求鼻冷便知是瘧疹耳冷應知
風熱證渾身皆熱是傷寒上熱下冷傷食痢

五指稍頭冷。驚來不可當。若逢中指熱。必定是傷寒。
中指獨自冷。麻痘證相傳。女右男分左。分明仔細
看。

觀面部五色歌

面赤爲風熱。面青驚可詳。心肝形此見。脉證辨溫涼。
脾怯黃疳積。虛寒晄白光。若逢生黑氣。腎敗命須
亡。

審虎口三關法

小兒三歲以下有病。須看男左女右手虎口三關。從
第二指側看第一節。名風關。第二節。名氣關。第三

節名命關。辨其紋色。紫者屬熱。紅者屬寒。青者驚風。白者痺病。黑者中惡。黃者脾之困也。若現於風關爲輕。氣關爲重。過於命關則難治矣。

三關脉紋主病歌

紫熱紅傷寒。青驚白是痺。黑時因中惡。黃卽困脾端。

又

青色大小曲。人驚併四足。赤色大小曲。水火飛禽撲。
紫色大小曲。傷米麴魚肉。黑色大小曲。脾風微作。
摘。

手指脉紋八段錦

Y 魚刺形主驚風痰熱。○ 懸針形主傷風積熱。

水字形主食積。咳嗽驚痺。乙字形主肝病驚風。

虫紋形主肝虫。大腸積積。環形主痺積吐逆。

亂紋主虫。珠形主死。

虎口三關脉紋圖



風關第一節寅位

氣關第二節卯位

命關第三節辰位

虎口叉手處是也

小兒死候歌

眼生赤脉貫瞳人。顙門腫起又作坑。指甲黑色鼻乾燥。鴉聲忽作吐青筋。虛舌出口咬牙齒。目多直視不轉睛。魚口氣急啼不得。蛔虫既出死形真。手足擲搖驚過節。靈丹十救無一主。

魚目定睛夜死面青唇黑晝亡啼而不哭是痛哭而

不啼是驚。噉煎不安是煩。噉哇不定是躁。噉音茲

啞音崖

欲噉

錢氏曰左顙爲肝。右顙爲肺。額上爲心。鼻爲脾。頰爲

腎。此以分

部言也

永類鈴方云肝主目脾主唇口肺主鼻孔心主顙面

腎主耳穴。

此以寧言也。

按內經云下極者心也。註云下極謂兩目之間。又云舌者心之官也。此云心主顙面似未當。

錢氏曰赤者熱也。黃者積也。白者寒也。青黑者痛也。隨證治之。

薛氏曰青主驚積不散。欲發風候。紅主痰積驚悸。黃

主食積癥傷。欲作痺癰。白主泄瀉水穀。更欲作吐。

黑主臟腑欲絕。

潔古曰若肝病驚搐而又加面白痰涎喘急之類此皆難治。蓋謂金剋木也。觀此則知脾病之忌青肺病之忌赤心病之忌黑俱可推矣。

印堂青主初受驚瀉。紅主大驚夜啼。黑主客忤。

山根青主第二次驚瀉。後發躁。黑黃甚者死。

兩太陽青主第三次驚。青自太陽入耳者死。

印堂青黑主腹痛夜啼。此脾氣虛寒也。脾爲至陰。故

夜間腹痛而啼。用釣鯨飲。色淡白主泄瀉乳食

不化。屬脾氣虛弱。用五味異功散加木香。

八段錦歌

醫學源流

先望孩兒眼色。青次看背上冷如冰。陽男搐左無妨。事搐右教人甚可驚。女搐右邊尤可治。若逢搐左疾非輕。歪斜口眼終爲害。縱有仙丹也莫平。

忽見眉間帶紫青。看來立便見風生。青紅碎襍風將起。必見疳癰氣滿形。

紫少紅多六畜驚。紫紅相等卽疳成。紫點有形如米粒。傷寒夾食証堪評。

黑輕可治死還生。紅紫傷寒痰積停。赤青脾受風邪症。青黑脾風作漫驚。

山根若見脉橫青。此病明知兩度驚。赤黑困疲時吐瀉。色紅啼夜不曾停。

青脉生于左太陽。驚非一度細推詳。赤是傷寒微燥熱。黑青知是乳多傷。

右邊青脉不須多。有則頻驚。怎奈何。紅赤爲風抽眼。
目黑青。三日見閻羅。

指甲青兼黑暗多。唇青惡逆病多瘥。忽作鴉聲心氣
急。此時端的命難過。

辨虎口紋十三形 全幼心鑑

第一流珠形。只一點紅色。見風關主飲食所傷。內熱
欲吐。或腸鳴自利。煩躁啼哭。用助胃膏消飲食。分
陰陽。若食消而病仍作用。香砂助胃膏以補脾胃。
第二環珠形。其點差大。主脾虛停食。胸膈脹滿。煩渴
發熱。用五味異功散。加山楂枳實健脾消食。後用

六君子調中養氣

第三長珠形其點圓長主脾傷飲食積滯肚腹作痛

寒熱不食先用大安丸消其積滯次以異功散健

其脾氣

以上風關

第四來蛇形是長散出氣關一頭大一頭尖主脾胃

濕熱中脘不利乾嘔不食此疳邪內作先用四味

肥兒丸治疳後用四君子補脾

第五去蛇形是大頭向氣關主脾虛食積吐瀉煩渴

氣短喘急不食困睡凡用六君子湯加枳實健脾

消積次以七味白朮散調補胃氣

第六。弓反裏形主感冒寒邪。哽氣出氣驚悸倦怠。四肢冷。小便赤。咳嗽嘔涎。先用惺惺散助胃氣。祛外邪。後以五味異功散加茯苓。當歸。養心血助胃氣。若外邪既解而驚悸指冷。脾氣受傷也。宜七味白朮散補之。若悶亂氣急喘促者難治。脾虛甚故也。

第七。弓反外形主痰熱。心神恍惚。夾驚夾食。風癰痰盛。先以天麻防風丸祛外邪。又用五味異功散調補中氣。又曰。絞轡向裏爲順。向外爲逆。

第八。鎗形直上主風熱。生痰發搐。先用抱龍丸。如未效。用牛黃清心丸。若傳於脾肺。或過用風痰之藥。